


ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ  
ՁԵՐԲԱԿԱԼՎԱԾ ԱՆՁԱՆՅ ՊԱՀԵԼՈՒ ՎԱՅՐԵՐՈՒՄ ՎԵՐԱՀՍԿՈՂՈՒԹՅՈՒՆ  
ԻՐԱԿԱՆԱՑՆՈՂ ՀԱՍԱՐԱԿԱԿԱՆ ԴԻՏՈՐԴԱԿԱՆ ԽՈՒՄԲ

№ 2621/1372

16.09.2013թվ.



ՀՀ ոստիկանության պետ,  
գեներալ-լեյտենանտ  
պարոն՝ Վ. Գասպարյանին

Հարգելի պարոն Գասպարյան,

Դիտորդական խումբը սույն թվականի սեպտեմբեր ամսին այցելություն է կատարել ՀՀ ոստիկանության Սյունիքի ՄՎ Գորիսի ՁՊՎ, որի ընթացքում արձանագրվել է.

Թերություն.

1. Ինչպես նախորդ այցելության ժամանակ, այս այցելության ընթացքում էլ արձանագրվել է, որ սանհանգույցը գտնվում է կեղտոտ, հակահիգիենիկ վիճակում:
2. «Ձերբակալված անձանց խցերից դուրս բերման» գրանցամատյանը կրկին լրացվում է ջնջումներով:

Թախտում.

1. Կարեն Սամվելի Կուղղինյանը ըստ «ՁՊՎ-ում պահվող անձանց հաշվառման» գրանցամատյանի ՁՊՎ է ընդունվել 24.06.2013թ-ին ժամը 18<sup>40</sup>-ին, իսկ Արմեն Էդիկի Տատինցյանը՝ 24.06.2013թ-ին ժամը 18<sup>45</sup>-ին: Երկու դեպքում էլ նշված անձիք տեղափոխվել են ՀՀ ԱՆ «Նուբարաշեն» ՔԿՀ, և նշված է միայն նրանց տեղափոխելու ժամը՝ 10.10, և բացակայում են գրառումները օրվա, ամիս - ամսաթվի վերաբերյալ: Արդյուքնում՝ պարզ չէ, թե նշված անձիք որքան են պահվել ՁՊՎ-ում: / կից ներկայացվում է փաստը հաստատող լուսանկարներ - 1,2/
2. Ռաֆայել Ալեքսանդրի Ավագյանը բերման է ենթարկվել Գորիսի ոստիկանության բաժին 21.05.2013թ-ին ժամը 17<sup>30</sup>-ին: Ժամը 19<sup>30</sup> ներկայացվել է քննիչին, իսկ ժամը 20<sup>20</sup>-ին


ընդունվել է ՁՊՎ: Ըստ «Ձերբակլլավածներին խցերից դուրս բերելու» գրանցամատյանի Ռ. Ավագյանը Սյունիքի մարզի ընդհանուր իրավասության դատարան է տեղափոխվել խափանման միջոց կիրառելու նպատակով 24.05.2013թ-ին ժամը 18<sup>50</sup>-ին, արդեն իսկ ՀՀ Սահմանադրությամբ նախատեսված առավելագույն 72 ժամ արգելանքի տակ պահելու խախտումով: /*կից ներկայացվում է փաստը հաստատող լուսանկարներ – 3,4,5/*

Այսպիսով՝ խնդրում ենք ուսումնասիրել ներկայացրած փաստերը և տալ մեկնաբանություններ թերությունների և խախտումների վերաբերյալ:

Միաժամանակ խնդրում ենք Դիտորդական խմբի հրատապ հաշվետվություններին տալ առանձին մեկնաբանություններ՝ չընդհանրացնելով մարզի մնացած ՁՊՎ-ներում առկա հիմնախնդիրների հետ:

Հարգանքներով՝

ՀՀ ոստիկանության համակարգի ձերբակալված անձանց պահելու վայրերում վերահսկողություն իրականացնող հասարակական Դիտորդական խմբի նախագահ՝



Հ. Սահակյան



## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ

375025, ք. Երևան, Նալբանդյան 130 հեռ. 59-65-94

N- 2/2-1-

« \_\_\_\_\_ » \_\_\_\_\_ 2013թ.

Ձեր՝ 16.09.2013թ. թիվ 2621/1372 գր.

### **«Ն ոստիկանության համակարգի ձերբակալված անձանց պահելու վայրերում հասարակական դիտորդների խմբի նախագահ**

**Հասմիկ Սահակյանին**

#### **Հարգելի տիկին Սահակյան**

Հայտնվում է, որ դիտորդների խմբի կողմից ս/թ սեպտեմբեր ամսին ՀՀ ոստիկանության Սյունիքի մարզային վարչության Գորիսի բաժնի ձերբակալվածներին պահելու վայր կատարած այցի ընթացքում արձանագրված խախտումները քննարկվել են ՀՀ ոստիկանության շտաբում, քննչական գլխավոր և Սյունիքի մարզային վարչություններում:

Սյունիքի մարզային վարչությունում անցկացվել է ծառայողական քննություն, որի արդյունքներով պարզվել է.

1. Ոստիկանության Գորիսի բաժնի ՁՊՎ-ի սանհանգույցը ենթարկվում է ամենօրյա մաքրման և ախտահանման, իսկ կեղտոտ լինելու տպավորությունը դիտորդների խմբի մոտ ստեղծվել է սալիկների հնամաշ և գունաթափված լինելու պատճառով:

2. «Ձերբակալվածներին խցից դուրս բերելու գրանցամատյան»-ը ջնջումներով լրացնելու վերաբերյալ հայտնվում է, որ Գորիսի բաժնի պետի ուշադրությունը հրավիրվել է ՁՊՎ-ի գրանցամատյաններում վարչակազմի կողմից շտապողականության հետևանքով կատարած ջնջումների վրա և վերջիններիս տրվել են համապատասխան հանձնարարականներ:

3. «Ձերբակալված անձանց հաշվառման գրանցամատյան»-ի 9-րդ սյունակում կալանավոր Կ.Կուրդինյանին ՀՀ ԱՆ «Նուբարաշեն» ՔԿՀ և կալանավոր Ա.Տատինջյանին ՀՀ ԱՆ «Նուբարաշեն» ՔԿՀ տեղափոխման օրը, ամիսը և տարեթիվը ոստիկանության Սյունիքի մարզային վարչության ուղեկցող դասակի 2-րդ ջոկի հրամանատար, ոստիկանության ենթասպա Գ.Ավետիսյանի կողմից բաց է թողնվել շտապողականության պատճառով, քանի որ, կալանավորներն անմիջապես դուրս են բերվել ՁՊՎ-ի խցերից և հանձնվել ուղեկցող խմբին: Սակայն «Ձերբակալվածներին խցից դուրս բերելու գրանցամատյան»-ի 3-րդ, 4-րդ և 7-րդ սյունակներում հստակ երևում է դուրս բերման նպատակը, հիմքը և ժամը՝ 27.06.2013թ. ժ.10.10-ն: Բացի այդ,

ծառայողական քննության ընթացքում պարզվել է նաև, որ «Ձերբակալված անձանց հաշվառման գրանցամատյան»-ի 9-րդ սյունակում ոստիկանության ենթասպա Գ.Ավետիսյանի կողմից թույլ է տրվել ևս մեկ թերություն. Ա.Տատինցյանը տեղափոխվել է ՀՀ ԱՆ «Դատապարտյալների հիվանդանոց» ՔԿՀ, մինչդեռ Գ.Ավետիսյանը մատյանում նշագրել է ՀՀ ԱՆ «Նուբարաշեն» ՔԿՀ:

Այսուհանդերձ, ոստիկանության ենթասպա Գ.Ավետիսյանը խիստ նախազգուշացվել է իր գործառության պարտականությունները պատշաճ ձևով կատարելու և հետագայում նմանատիպ վրիպակները բացառելու համար:

Հարկ է նշել, որ այս բացթողումով կալանավորներ Կ.Կուրդինյանի և Ա.Տատինցյանի իրավունքները չեն խախտվել:

4. Կասկածյալ Ռ.Ավագյանը 21.05.2013թ. ժ.17.30-ին բերման է ենթարկվել ոստիկանության Գորիսի բաժին, նույն օրը ժ.19.30-ին ներկայացվել է քննիչին և ժամը 20.20-ին ձերբակալվել: 24.05.2013թ. Ռ.Ավագյանին ՀՀ քրեական դատավարության 129-րդ հոդվածի 2-րդ մասի պահանջների համաձայն, 72 ժամվա ընթացքում մեղադրանք է առաջադրվել ՀՀ քրեական օրենսգրքի 202-րդ հոդվածի 2-րդ մասի 2-րդ կետով և նրա նկատմամբ կալանավորումը որպես խափանման միջոց կիրառելու միջնորդություն է ներկայացվել Սյունիքի մարզի ընդհանուր իրավասության դատարան: Դատարանի պահանջով մեղադրյալ Ռ.Ավագյանը ՁԴՎ-ից դատարան է տեղափոխվել ժամը ժ.18.50-ին, ինչը պայմանավորված է եղել դատարանի աշխատանքի ծանրաբեռնվածության հանգամանքով: Նախաքննական մարմնի միջնորդությունը դատարանի կողմից բավարարվել է:

Հարկ է նշել, որ ինչպես ՀՀ ոստիկանության քննչական գլխավոր վարչության ստորաբաժանումներին, այնպես էլ Սյունիքի մարզային վարչության Գորիսի բաժնի հերթապահ մասի ՁԴՎ-ի վարչակազմին հանձնարարվել է խստորեն պահպանել անձին արգելանքի վերցնելու և կասկածյալի ձերբակալման օրենքով սահմանված ժամկետների պահանջները:

**ՀՀ ոստիկանության շտաբ**